

kita sendiri, kita telah mengurangkan taraf kedudukan kita?

Kita berharap hal ini di perhati oleh orang-orang kita adanya.

* * *

ULAMA-PERHATILAH

Kalau kita perhatikan keadaan di sekeliling kita hari ini maka dapatlah kita perhati bahawa apabila terbit sesuatu perkara yang mengenai kedudukan agama maka dengan sangat mudah Anasir-anasir pembenci agama menjadikannya suatu perkara yang bersifat mengejek kepada keputusan-keputusan yang bersabit dengan sesuatu masalah yang terhebah itu.

Perkara ini terbit adanya tidak lain daripada pertentangan fahaman di antara kita sama kita. Pertentangan itu jika setakat fahaman sahaja tidaklah sampai begitu sekali tetapi hal yang sangat-sangat mendukacitakan ialah Anasir-anasir itu memperlagakan pendapatan di antara satu sama lain supaya masalah yang asleh itu menjadi semakin kusut terutamanya pula apabila hal itu dicampuri oleh mereka yang jahil dalam agama dengan kerana itu kita berharap kepada ulama-ulama kita tidaklah hendaknya lekas sekali tertarik menjawab kepada sesuatu pertanyaan yang didatangkan oleh wakil-wakil akhbar atau pun membuat sesuatu rancangan yang tidak sarif tujuannya dengan mendatangkan kalau dan kalau sahaja dengan tidak tepat memberi keputusan. Perebutan yang semacam ini bukannya akan memperbaiki atau menghenjingkan barang yang keruh itu bahkan ia akan menjadikan orang ramai kesamaran sehingga tidak tahu ke mana hala yang diikuti olehnya. Maka dengan itu kita meminta dengan sangat supaya berceramah di dalam segala penuai-penuainya supaya jangan memesongkan barang yang hak itu.

Di hadapan kita hari ini, melihat keadaan-keadaan di sekeliling kita di dalam mana kaum-kaum yang malhad mencari jalan menjatuhkan kedudukan kita, membanjai kita dan sebagainya serta melihat pula kepada keadaan langkah-langkah pertadbiran

yang dijalankan, menurut pandangan kita, dari satu ke suatu masa memperkecilkan kedudukan dan hak-hak agama kita serta nampaknya pula mengadakan corak-corak dan langkah yang menjauhkan anak-anak kita daripada kasihkan agama dengan dasar-dasarnya itu adalah yang demikian itu patut mendapat perhatian kita yang saksama oleh kerana sekiranya anak-anak kita terbiar maka dari sedikit demi sedikit mereka itu hilang daripada kita. Kehilangannya itu bukannya hanya hilang begitu sahaja tetapi adalah ia memperbaiki golongan-golongan kaum mulhid yang memusuhi dan membenci kepada agama kita. Yang demikian maka masalah ini ialah suatu masalah yang sangat-sangat mustahak dan wajib diperhati dan dihadapi sebagai suatu kewajipan jihad kepada jalan Allah untuk mempertahankannya.

Sebagai jatuh-cubalah perhati keadaan beratus-ratus ribu anak-anak kita yang keluar daripada sekolah-sekolah Melayu itu. Sudahlah mereka lemah tentang iktisad tetapi mereka lemah juga di dalam agama-agama yang ada kepada mereka hanya pada kulitnya jua. Dengan bekalan yang sedikit itu dan kerana iktisad yang sebegitu lemah maka anak-anak kita yang di kampung-kampung itu tadi kerana iktisadnya memasukilah pekerjaan-pekerjaan seperti peon, askar, polis dan seumpamanya dan dengan sebab itu mereka memasukilah masyarakat bandar.

Dengan bekalan yang sedikit daripada pengajaran-pengajaran agama itu adakah mereka boleh bertahan daripada rempuh-rempuhnya pengaruh-pengaruh moden itu? Jawabnya sudah tentu terbentang dengan jelasnya bahawa mereka dari satu ke suatu masa menjadi orang-orang yang hilang kecenderungannya kepada agamanya bahkan menjadilah mereka sebagai orang-orang yang terkatung-katung ke ulu tidak ke hilir pun tidak dan di sinilah termasuknya anasir-anasir tadi menjadikan mereka pengikut kepada orang pembenci kepada agama, mencelakan bolehnya agama.

Kalau keadaan ini terbayar maka lama kelamaan agama itu hanya tinggal pada nama sahaja ada pada mereka. Kita tidak

menafikan bahawa ulama-ulama kita banyak berusaha di dalam perkara ini tetapi usaha-usaha itu tidak dapat menahan aliran. Arus yang sebegitu kuat yang menimpa kepada kita. Kita tidak mempunyai suatu tempat persatuan kita untuk mendidik anak-anak kita-satu sama lain kita masing-masing membuat cara sendiri-sendiri bahkan masing-masing kita hanya mengutamakan tentang pengajaran-pengajaran itu kepada zahir kewajiban bagi tiap-tiap seorang-tidak menanamkan di dalam jiwa mereka itu sebenar-benar itu ertinya agama kepada tiap-tiap mereka dengan kerana itu maka mudah sekali kepada mereka hal-hal yang demikian luntur terutamanya pula yang demikian ini apabila menghadapi keadaan masyarakat yang menjadikan kita lebih putih daripada orang yang putih atau lebih hitam daripada orang yang hitam dan lebih kuning daripada orang yang kuning.

Berbahaya ini nampaknya tidak dapat kita pertahankan sekiranya ulama kita masih bernafsu nafsi. Ulama-ulama kita masih bertanya-tanya dan syak atas kebolehan mereka. Banyak kitab-kitab yang kita kehendaki tersiar dan terhebah di dalam lingkungan kita munasabah dan sesuai dengan jiwa mereka tatkala menghadapi alam berfikir pada masa sekarang. Kita mesti mengadakan kitab-kitab pengajaran agama yang lain daripada Matla' Al-Badrian dan Sabil Al-Muhtadin dan seumpamanya untuk menghadapi alam fikiran yang baharu. Kita hendaklah memberi pertunjuk-pertunjuk agama kepada mereka itu dengan keterangan-keterangan yang nyata yang bersendi kepada Al-Quran dan Al-Hadith-jangan umpamanya sebagaimana yang telah lalu kita mengatakan kepada mereka apabila hendak sembahyang bacalah ini dan bacalah ini dengan tidak menyatakan kepada mereka apa-apa keterangannya yang berdasar kepada kitab Allah dan sunnah Rasul-Nya. Kita mesti memberi pertunjuk dengan alasan dan keterangan. Bagaimana asalnya supaya terbuka jiwa dan ruh mereka itu menjalankan tanggungan dengan mendapat keterangan-keterangan yang jelas. Kita

mesti menjauhkan daripada mereka itu perasaan bahwa mereka tidak boleh dan tidak diharuskan menyelami apa dia yang terkandung di dalam kitab Allah dan sunnah Rasul-Nya itu oleh sebab jika tidak dijalankan demikian adalah ia akan mendedahkan diri mereka memperhamba kepada orang yang lebih pandai kepadanya dan tidak mempunyai keyakinan kepada dirinya.

Inilah dia harapan kita mudah mudahan dapat kita bersama-sama melebarkan dan meluaskan langkah-langkah kita untuk memberi pertunjuk kepada mereka. Kerana tujuan-tujuan yang rapat kepada tiap-tiap lingkungan yang bercita-cita kepada tujuan-tujuan yang tersebut untuk mendirikan syiar dan kemuliaan agama kita yang kita junjung tinggi itu adanya.

Pesan Segera!!

“SULUH PENGETAHUAN”

Buku riwayat hidup Al-Khalifah Al-Rasyidin pahlawan-pahlawan Islam yang menggoncangkan semangat dan menggerakkan alam.

Harganya sebuah \$2.10 bersih belanja pos.

Mintalah kepada tuan guru besar sekolah Arab

Kluang atau terus kepada penyusunnya.

Haji Badri bin Haji Zakri

Nombor 342, Jalan Mersing, Kluang